

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 18 JUN 2014, PUKUL 10.00 PAGI

Bil. 27

PERTANYAAN-PERTANYAAN BAGI JAWAB LISAN

1. PR-1322-L61367
Datuk Dr. Makin @ Marcus Mojigoh [Putatan] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
 - (a) apakah usaha Kementerian untuk membantu serta membangunkan koperasi-koperasi yang ditubuhkan berasaskan hasil tani dan laut, demi untuk membangunkan lagi usahawan Bumiputera; dan
 - (b) usaha yang diambil oleh Kementerian untuk menyahut seruan YAB. Perdana Menteri untuk menghasilkan lebih banyak usahawan Bumiputera dan usahawan belia.
2. PR-1322-L62133
Tuan Shamsul Iskandar bin Mohd Akin [Bukit Katil] minta **MENTERI PENGANGKUTAN** menyatakan kewajaran untuk tindakan menyaman pemillik kenderaan bercermin gelap secara besar-besaran tetapi dalam masa yang sama, tiada operasi yang berterusan dijalankan untuk membanteras penjualan cermin gelap (*tinted glass*).
3. PR-1322-L62600
Tuan Khoo Soo Seang [Tebrau] minta **MENTERI KOMUNIKASI DAN MULTIMEDIA** menyatakan sebab-sebabnya kelajuan broadband negara kita hanya berkedudukan 126 di antara 196 buah negara yang dikaji, menurut *The Ookla Global Net Index*, dan apakah rancangan Kerajaan untuk meningkatkan perkhidmatan broadband di negara kita.
4. PR-1322-L63036
Tuan Haji Nasrudin bin Hassan [Temerloh] minta **PERDANA MENTERI** menyatakan secara terperinci perjanjian projek penubuhan pusat pembelajaran dan Pusat PERMATA yang telah dimeterai antara 1MDB dan Pihak Berkuasa Am Hal Ehwal Islam dan Waqaf, UAE.

5. PR-1322-L61324
Dato' Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan sejauh manakah pemahaman ibu bapa mengenai sistem penilaian PT3 dan yang menggantikan peperiksaan Penilaian Menengah Rendah (PMR) bagi pelajar Tingkatan 3 serta apakah langkah Kerajaan supaya ibu bapa memahami bagaimana prestasi dinilai.
6. PR-1322-L62845
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan apakah dadah masih merupakan musuh nombor satu negara. Apakah tahap kemajuan Klinik Cure & Care 1Malaysia dalam menyelesaikan masalah penagihan dadah ini.
7. PR-1322-L61511
Datuk Zahidi bin Zainul Abidin [Padang Besar] minta **PERDANA MENTERI** menyatakan mengapa Kerajaan masih tidak dapat melaksanakan kaedah pelepasan bankrap secara automatik seperti mana di beberapa negara lain kepada mereka yang telah diisytiharkan bankrap sejak lebih 20 tahun dan mereka yang bankrap disebabkan menjadi penjamin sosial.
8. PR-1322-L62523
Dr. Ko Chung Sen [Kampar] minta **MENTERI SUMBER MANUSIA** menyatakan :-
 - (a) bilangan pekerja tempatan dan asing, yang telah mendapat manfaat daripada pelaksanaan Perintah Gaji Minimum yang baru diperkenalkan tahun ini; dan
 - (b) bilangan syarikat yang masih belum mematuhi peraturan ini dan bagaimanakah cara Kementerian menguatkuasakan polisi ini dan apakah penalti yang dikenakan kepada majikan yang tidak patuh kepada perintah ini.
9. PR-1322-L61337
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan adakah bantuan BR1M ini masih sesuai dilaksanakan pada jangka panjang dan adakah Kerajaan telah memikirkan cara lain yang lebih baik lagi bagi membantu rakyat yang benar-benar memerlukan bantuan.
10. PR-1322-L61673
Tuan Lim Lip Eng [Segambut] minta **PERDANA MENTERI** menyatakan bilangan penjawat awam yang didapati dalam perhimpunan membantah Cukai Barang dan Perkhidmatan (GST) pada 1.5.2014 dan apakah tindakan Kerajaan terhadap mereka. Statistik penjawat awam dibuang kerja sejak tahun 2010 mengikut tahun, bangsa dan nama agensi.

11. PR-1322-L63176
Dr. Noor Azmi bin Ghazali [Bagan Serai] minta **MENTERI KESIHATAN** menyatakan apakah bentuk dan hasil kajian mengenai kanser yang sudah dilakukan di negara ini. Dan apakah negara mempunyai cukup pakar kanser dan tenaga kerja sokongan untuk unit kanser terutamanya di Pantai Timur dan Malaysia Timur memandangkan terdapat 38,000 kes kanser pada tahun 2013.
12. PR-1322-L62025
Puan Kasthuriraani a/p Patto [Batu Kawan] minta **MENTERI PENDIDIKAN** menyatakan berat beg sekolah pelajar sekolah Darjah Satu dengan semua buku yang diperlukan bagi matapelajaran sehari dan sekiranya Kementerian bercadang untuk memasang 'loker' di setiap sekolah untuk membantu murid-murid ini, dan jika tidak mengapa.
13. PR-1322-L63274
Dato' Sri Haji Abdul Azeez bin Abdul Rahim [Baling] minta **MENTERI KESIHATAN** menyatakan adakah Kerajaan berhasrat untuk membina hospital besar Kerajaan dengan kemudahan yang lengkap di kawasan Baling seperti di Alor Setar.
14. PR-1322-L61997
Tuan Su Keong Siong [Ipoh Timor] minta **MENTERI PENDIDIKAN** menyatakan syarat-syarat dan statistik pelajar-pelajar yang telah diterima masuk ke program Matrikulasi Kementerian Pendidikan dari tahun 2010 ke 2014. Nyatakan statistik dari segi pecahan kaum dan jantina.
15. PR-1322-L62125
Datuk Madius Tangau [Tuaran] minta **MENTERI PEMBANGUNAN WANITA, KELUARGA DAN MASYARAKAT** menyatakan perkembangan terkini tentang pemberian Program 1Azam bagi kawasan Tuaran.
16. PR-1322-L62703
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan apakah langkah yang diambil untuk mengatasi masalah pengambilan wanita asing sebagai GRO dan tukang urut. Adakah Kerajaan mempunyai perancangan untuk mengeluarkan kuota dan permit untuk pekerjaan tersebut memandangkan terdapat banyak kes melibatkan kedua-dua bidang ini. Ia juga berkaitan dengan pemerdagangan manusia yang semakin serius di Malaysia.
17. PR-1322-L61446
Dato' Seri Ong Ka Chuan [Tanjong Malim] minta **MENTERI TENAGA, TEKNOLOGI HIJAU DAN AIR** menyatakan apakah langkah-langkah yang akan diambil oleh Kerajaan untuk memastikan masalah gangguan bekalan air atau pencatutan air yang telah berlaku di negeri Selangor tidak berulang lagi.
18. PR-1322-L61914
Dato' Dr. Mujahid Yusof Rawa [Parit Buntar] minta **MENTERI PENDIDIKAN** menyatakan bentuk-bentuk bantuan persekolahan kepada murid miskin di sekolah-sekolah.

19. PR-1322-L61427
Datuk Haji Datu Nasrun bin Datu Mansur [Silam] minta **MENTERI PERDAGANGAN ANTARABANGSA DAN INDUSTRI** menyatakan pandangan Kerajaan terhadap masa depan industri tempatan Malaysia terutama dalam bidang keberhasilan negara, sekiranya Malaysia menyertai perjanjian *Trans-Pacific Partnership Agreement*. Apakah manfaat dan keuntungan negara daripada perjanjian ini.
20. PR-1322-L62180
Tuan Lim Guan Eng [Bagan] minta **MENTERI KEWANGAN** menyatakan sama ada syor menutup MAS adalah pelan pemulihan kewangan MAS yang kerugian RM4.1 bilion sejak 3 tahun lalu. Berikan butiran kerugian sepanjang ini, kesan negatif penutupan MAS kepada pekerja, pemilik saham serta kerugian yang akan ditanggung oleh Kerajaan dari aspek geran dan jaminan kewangan yang diberikan.
21. PR-1322-L62470
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KEWANGAN** menyatakan apakah perancangan Kerajaan dalam menyemarakkan ekonomi kreatif dan nilai ekonomi yang dapat dijana dari ekonomi kreatif dan apakah kategori utama yang diunjurkan.
22. PR-1322-L62068
Tuan Gooi Hsiao-Leung [Alor Setar] minta **PERDANA MENTERI** menyatakan jumlah rumah PR1MA yang akan dibina di Alor Setar dan Kedah, daerah-daerah yang dikenalpasti untuk pembangunan, dan juga garis masa untuk menyiapkan projek-projek perumahan PR1MA tersebut.
23. PR-1322-L62120
Datuk Madius Tangau [Tuaran] minta **MENTERI KEMAJUAN LUAR BANDAR DAN WILAYAH** menyatakan bilakah kesemua jalan luar bandar di kawasan Parlimen Tuaran terutama sekali jalan yang menuju ke sekolah siap diturap sepenuhnya.
24. PR-1322-L61381
Dato' Takiyuddin bin Hassan [Kota Bharu] minta **MENTERI PERDAGANGAN ANTARABANGSA DAN INDUSTRI** menyatakan sejauh manakah sambutan rakyat Malaysia terhadap kereta Hybrid Unit Terurai Untuk Dipasang (CKD) yang dipasang di negara ini.
25. PR-1322-L62550
Dato Sri Dr. Muhammad Leo Michael Toyad Abdullah [Mukah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapa unit Perumahan Rakyat telah diperuntukan di Parlimen Mukah pada Tahun 2012 dan 2013. Berapa peratus telah selesai didirikan.
26. PR-1322-L61996
Tuan Su Keong Siong [Ipoh Timor] minta **MENTERI DALAM NEGERI** menyatakan asas penyiasatan Jabatan Pendaftaran Pertubuhan Malaysia terhadap Parti DAP dalam pemilihan Ahli Jawatankuasa Tertinggi Pusat dalam Kongres Khas yang telah diadakan pada 19.9.2013.

27. PR-1322-L62281
Tuan Haji Hasbi bin Haji Habibollah [Limbang] minta **PERDANA MENTERI** menyatakan berapakah jumlah sebenar peruntukan bajet pembangunan yang diluluskan bagi setiap negeri di Malaysia dalam RMK-10 berbanding RMK-9.
28. PR-1322-L62405
Raja Dato' Kamarul Bahrin Shah [Kuala Terengganu] minta **MENTERI PENGANGKUTAN** menyatakan kenapakah ketinggian KLIA 2 telah bertambah dari 2 tingkat hingga 5 tingkat dan kosnya juga naik dari RM2 bilion kepada RM4 bilion.
29. PR-1322-L62773
Datuk Hajah Norah binti Abd Rahman [Tanjong Manis] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah pelan tindakan Kementerian untuk mengatasi masalah projek perumahan terbengkalai yang masih banyak di seluruh negara dan pada masa yang sama terdapat banyak projek baru yang dilancarkan dan secara keseluruhan telah menaikkan nilai hartanah terutamanya di Kuala Lumpur, Johor Bahru dan Pulau Pinang sehingga ia tidak mampu dimiliki oleh rakyat yang berpendapatan rendah dan sederhana.
30. PR-1322-L62861
Dr. Tan Seng Giaw [Kepong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan pusat pelupusan sisa pepejal sanitari dalam negara termasuk pusat pemindahan serta dasar penyelenggaraan, pengasingan jenis sampah dan loji rawatan kumbahan.
31. PR-1322-L61846
Datuk Ikmal Hisham bin Abdul Aziz [Tanah Merah] minta **PERDANA MENTERI** menyatakan daripada segi agama apakah betul rakyat Malaysia yang pergi ke negara bergolak itu dianggap melakukan jihad atau sebaliknya dianggap pengganas.
32. PR-1322-L62583
Tuan Lim Kit Siang [Gelang Patah] minta **PERDANA MENTERI** menyatakan mengapa beliau mengubah secara sembarangan pendirian Kerajaan pusat yang dibentuk sejak zaman merdeka pada 1957 iaitu bahawa "Malaysia tidak menolak hudud" sedangkan pendirian ini bertentangan dengan Perlembagaan negara.
33. PR-1322-L61952
Dr. Haji Izani bin Haji Husin [Pengkalan Chepa] minta **MENTERI KERJA RAYA** menyatakan adakah Kerajaan bercadang untuk menaik taraf dan melebar jalan pelancongan daripada Kg. Cina ke Pantai Cahaya Bulan.
34. PR-1322-L62053
Dato' Johari bin Abdul [Sungai Petani] minta **MENTERI KERJA RAYA** menyatakan :-
- (a) berapakah kos membina Lebuhraya PLUS; dan

- (b) sejak kutipan tol dilakukan berapa jumlah kutipan mengikut tahun dan bilakah konsesi bagi mengutip tol tamat.
35. PR-1322-L61692
Tuan Wilson Ugak Kumbong [Hulu Rajang] minta **MENTERI KESIHATAN** menyatakan apakah rancangan Kementerian untuk menangani masalah kesesakan di wad pesakit dan kesesakan tempat letak kereta di Hospital Umum Sarawak yang begitu meruncing kerana kawasan tersebut adalah terlalu kecil untuk menampung bilangan penduduk Sarawak yang semakin bertambah.
36. PR-1322-L62880
Datuk Bung Moktar bin Radin [Kinabatangan] minta **MENTERI PENDIDIKAN** menyatakan satu kajian dibuat berkenaan keperluan untuk mewujudkan sebuah kolej komuniti di Kinabatangan memandangkan terdapatnya keperluan dan permintaan. Tapak bagi tujuan pembinaan kolej komuniti ini adalah tersedia. Ini adalah selaras dengan dasar Kementerian bagi “1 Kolej Komuniti, 1 Parlimen”.
37. PR-1322-L62311
Tuan Sim Tze Tzin [Bayan Baru] minta **MENTERI PENGANGKUTAN** menyatakan rancangan untuk menyelesaikan masalah banjir yang sering melanda Lapangan Terbang Antarabangsa Pulau Pinang. Berapakah anggaran kos rancangan tersebut.
38. PR-1322-L61759
Dato' Ir. Haji Nawawi bin Ahmad [Langkawi] minta **PERDANA MENTERI** menyatakan :-
- (a) apakah status penternakan ikan kerapu harimau (*tiger grouper*) di kawasan Sungai Menghulu, Mukim Kuah, Langkawi yang dibiayai oleh Wilayah Ekonomi Koridor Utara (NCER) ; dan
- (b) apakah nama kontraktor yang dianugerahkan projek tersebut dan berapakah jumlah kos yang dikeluarkan oleh NCER bagi projek tersebut.
39. PR-1322-L63127
Dato' Sri Azalina binti Dato' Othman Said [Pengerang] minta **MENTERI PERDAGANGAN ANTARABANGSA DAN INDUSTRI** menyatakan apakah kelebihan dan keuntungan TPPA kepada Malaysia, dan juga apa yang mungkin berlaku sekiranya Malaysia tidak menyertai TPPA.
40. PR-1322-L61970
Puan Hajah Normala binti Abdul Samad [Pasir Gudang] minta **PERDANA MENTERI** menyatakan adakah jawatan berstatus kontrak di sektor awam mendatangkan kebaikan atau keburukan kerana dengan status kontrak tidak dapat menjamin pekerjaan dan sumber pendapatan tetap untuk jangka masa panjang dan berapakah peratusan terkini pekerja berjawatan kontrak diserap menjadi kakitangan tetap.

41. PR-1322-L63154
Tuan Liew Chin Tong [Kluang] minta **MENTERI PENGANGKUTAN** menyatakan adakah Kementerian bercadang untuk membentangkan kertas putih terhadap insiden MH370 di Parlimen berdasarkan "*Cabinet Note*" yang diberi oleh pemangku Menteri Pengangkutan pada 14 Mei 2014. Berapakah kos yang telah dibayar dalam misi '*search and rescue*' (SAR) dan anggaran kos yang akan dibelanjakan pada tahun yang akan datang.
42. PR-1322-L61726
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan adakah Kerajaan bercadang untuk menanggungkan ibadat Haji bagi jemaah Haji Malaysia yang berisiko tinggi untuk diserang Virus Korona Sindrom Pernafasan Asia Barat (MERS-COV) dan apakah langkah Kerajaan bagi melindungi jemaah Haji Malaysia dari risiko jangkitan Virus Korona Sindrom Pernafasan Asia Barat (MERS-COV) ketika berada di tanah suci Mekah dan Madinah.
43. PR-1322-L61513
Tuan Abdullah Sani bin Abdul Hamid [Kuala Langat] minta **MENTERI PENGANGKUTAN** menyatakan usaha Kementerian dalam meningkatkan kemahiran maritim di kalangan anak tempatan.
44. PR-1322-L61971
Puan Hajah Normala binti Abdul Samad [Pasir Gudang] minta **MENTERI DALAM NEGERI** menyatakan status dan hasil siasatan terhadap individu yang menghina azan, mempersendakan agama dan kedaulatan Raja-Raja Melayu di laman sosial dan apakah bentuk tindakan yang bakal diambil oleh pihak Kerajaan.
45. PR-1322-L62889
Dato' Seri Tiong King Sing [Bintulu] minta **MENTERI DALAM NEGERI** menyatakan :-
- (a) berapakan jumlah sebenarnya kes pendaftaran lewat sijil kelahiran yang tertunggak atau gagal diberikan kelulusan mengikut rekod Jabatan Pendaftaran Negera Sarawak; dan
 - (b) apakah tindakan yang telah dan akan diambil oleh pihak Jabatan Pendaftaran Negera Sarawak bagi mengatasi permasalahan ini supaya ianya boleh disifarkan.
46. PR-1322-L62592
Tuan Khoo Soo Seang [Tebrau] minta **MENTERI PENDIDIKAN** menyatakan sama ada Kementerian bercadang untuk memberi kelonggaran kepada anak-anak para pendidik untuk memasuki universiti awam serta mendapatkan biasiswa universiti.

47. PR-1322-L61784
Dato' Wira Mohd Johari bin Baharom [Kubang Pasu] minta **MENTERI PENGANGKUTAN** menyatakan tindakan yang telah diambil oleh JPJ untuk membanteras penyalahguna ICP oleh van-van pelancong (tekسي sapu) daripada Thailand yang telah menjejaskan pendapatan tekسي tempatan. Apakah langkah-langkah yang diambil oleh Kementerian untuk membantu pemandu-pemandu tekسي tempatan yang mengalami kerugian teruk daripada perkhidmatan van-van pelancong (tekسي sapu) daripada Thailand ini.
48. PR-1322-L61841
Datuk Wira Haji Ahmad bin Hamzah [Jasin] minta **PERDANA MENTERI** menyatakan :-
- (a) langkah meningkatkan pegangan aset Bumiputera di bandar-bandar; dan
 - (b) setujukah Kementerian dengan kritikan bahawa di sebalik bilangan agensi Kerajaan berkaitan Bumiputera yang besar, kewujudannya masih belum berhasil meningkatkan penguasaan dan pegangan aset Bumiputera di bandar-bandar.
49. PR-1322-L63184
Tuan Haji Ahmad Nazlan bin Idris [Jerantut] minta **MENTERI PELANCONGAN DAN KEBUDAYAAN** menyatakan perancangan Kerajaan mengenai usaha-usaha yang berterusan untuk menambahbaik promosi berkaitan dengan destinasi pelancongan di Taman Negara, Kuala Tahan, Jerantut, Pahang.
50. PR-1322-L62208
Dato' Haji Abdul Rahman bin Haji Mohamad [Lipis] minta **MENTERI DALAM NEGERI** menyatakan sama ada benarkah wujud dakwaan bahawa 40 orang Mubaligh Kristian dari luar negara termasuk dari Israel dibawa masuk dan meminta visa untuk tempoh selama 3 tahun.
51. PR-1322-L61314
Dato' Wira Othman bin Abdul [Pendang] minta **MENTERI PENDIDIKAN** menyatakan adakah Kerajaan mempunyai perancangan untuk membina kampus tetap Institut Pendidikan Guru Malaysia yang sekarang berselerak di seluruh negara. Kalau tidak, mengapa.
52. PR-1322-L62132
Tuan Wong Tien Fatt @ Wong Nyuk Foh [Sandakan] minta **PERDANA MENTERI** menyatakan peruntukan yang telah diberikan oleh Kerajaan Persekutuan kepada ESSCOM sejak ia ditubuhkan pada tahun 2013 secara terperinci dan juga menyatakan semua perbelanjaan yang telah digunakan di dalam maksud peruntukkan ESSCOM ini.

53. PR-1322-L62206
Dato' Seri Anwar bin Ibrahim [Permatang Pauh] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) bilakah Kementerian bersedia memuktamadkan rundingan perjanjian Perkongsian Trans-Pasifik (TPP) dengan Amerika Syarikat (AS), sama ada bersetuju dan menandatangani perjanjian tersebut, ataupun menolak dan menarik diri daripada rundingan; dan
 - (b) usaha dan langkah yang diambil bagi memastikan pemegang kepentingan (*stakeholders*), termasuklah rakyat Malaysia dimaklum dari semasa ke semasa berhubung rundingan yang masih dijalankan agar kepentingan rakyat tidak dicabuli tanpa disedari.
54. PR-1322-L61941
Tuan Ahmad Baihaki bin Atiqullah [Kubang Kerian] minta **MENTERI TENAGA, TEKNOLOGI HIJAU DAN AIR** menyatakan Tenaga Nasional Berhad (TNB) telah mencapai keuntungan lebih daripada RM4 bilion pada tahun 2013. Sudah tentu TNB dapat menyediakan kemudahan bekalan elektrik yang lebih baik kepada masyarakat. Kenapa masih lagi terdapat masalah terputus bekalan elektrik yang sangat kerap di negara ini khususnya dalam Parlimen Kubang Kerian.
55. PR-1322-L62089
Puan Mas Ermieyati binti Samsudin [Masjid Tanah] minta **MENTERI PERTANIAN DAN INDUSTRI ASAS TANI** menyatakan :-
- (a) apakah fokus utama D'Agri Expo 2014 dibawah FAMA serta sejauh manakah matlamatnya dapat dicapai; dan
 - (b) sejauh manakah D'Agri Expo yang bakal dijadikan acara tahunan FAMA dapat membantu perusahaan kecil dan sederhana (PKS) dari industri perikanan secara khususnya.
56. PR-1322-L62067
Tuan Gooi Hsiao-Leung [Alor Setar] minta **MENTERI PENDIDIKAN** menyatakan alasan yang diberikan oleh Universiti Antarabangsa Albukhary bagi keputusan awalnya untuk menutup operasi, dan sama ada universiti tersebut dalam pelaksanaan operasinya, pernah gagal memenuhi kehendak Agensi Kelayakan Malaysia (MQA) dan Akta Pendidikan Tinggi Swasta 1966 .
57. PR-1322-L61517
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan dengan memperkenalkan kola (COLA) sebagai pendapatan tambahan terhadap seluruh pekerja swasta di negara ini.

58. PR-1322-L61805
Dr. Mansor bin Abd Rahman [Sik] minta **MENTERI PERTAHANAN** menyatakan adakah kesan yang jelas memberi manfaat kepada negara hasil *ASEAN Defence Senior Official Meeting* di Myanmar baru-baru ini. Apakah peranan Malaysia dalam mesyuarat tersebut dan adakah apa-apa perjanjian usahasama dilaksanakan hasil daripada mesyuarat tersebut.
59. PR-1322-L61494
Tuan Nogeh anak Gumbek [Mas Gading] minta **MENTERI KESIHATAN** menyatakan adakah terdapat rancangan untuk membuka Klinik 1Malaysia di Pekan Bau.
60. PR-1322-L62040
Dato' Johari bin Abdul [Sungai Petani] minta **MENTERI BELIA DAN SUKAN** menyatakan :-
- (a) kos Sambutan Hari Belia Negara 2014 di Putrajaya dari 22 hingga 25 Mei 2014 dan kesemua kos sambutan di peringkat Daerah juga kos Festival Belia Putrajaya; dan
 - (b) keberkesanan Sambutan Hari Belia Negara yang diadakan setiap tahun, dari segi memperkasakan generasi muda dari sudut moral dan daya saing.
61. PR-1322-L61734
Datuk Koh Nai Kwong [Alor Gajah] minta **PERDANA MENTERI** menyatakan tindakan oleh Kementerian berkenaan lesen teksi yang diberi kepada konsesi tetapi tidak aktif serta adakah Kementerian akan beri lesen teksi terus kepada pemandu teksi dan bukannya pemegang konsesi sedangkan kos yang ditanggung oleh pemandu teksi adalah sama malah lebih.
62. PR-1322-L61461
Tuan William Leong Jee Keen [Selayang] minta **MENTERI KEWANGAN** menyatakan langkah-langkah yang diambil oleh Bank Negara Malaysia untuk membantu pembeli-pembeli projek-projek perumahan yang terbengkalai menghadapi kebangkrapan daripada pinjaman bank.
63. PR-1322-L61414
Dr. Lee Boon Chye [Gopeng] minta **MENTERI DALAM NEGERI** menyatakan rancangan seterusnya untuk Pekerja Asing Tanpa Izin yang diserapkan ('diputihkan') di bawah program 6P dan sekarang telah/akan tamat tempoh permit pekerjaan.
64. PR-1322-L61640
Tuan Fong Kui Lun [Bukit Bintang] minta **PERDANA MENTERI** menyatakan tahap keselamatan pantai-pantai negara kita terutamanya persisiran pantai Sabah berikutan mudahnya kejadian penculikan demi penculikan berlaku di sana melibatkan warga asing.

65. PR-1322-L63035
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan jumlah guru dan kakitangan sekolah yang telah diberhentikan berserta sebab dari tahun 2010 hingga 2013.
66. PR-1322-L62928
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESIHATAN** menyatakan bilangan tahunan sejak 2008, graduan perubatan, kekosongan pekerjaan di hospital dan klinik Kerajaan serta bangunan hospital dan klinik Kerajaan baru dibina di setiap negeri dan di Malaysia secara keseluruhan.
67. PR-1322-L63255
Tuan Sim Tong Him [Kota Melaka] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) bilangan Kedai Rakyat Satu Malaysia yang masih beroperasi sehingga bulan April 2014; dan
 - (b) jumlah peruntukan yang telah disalurkan kepada projek ini dan bilangan kedai yang tidak dapat meneruskan perniagaan mereka.
68. PR-1322-L61896
Dato' Kamarudin bin Jaffar [Tumpat] minta **PERDANA MENTERI** menyatakan bilakah pembinaan laluan baru kereta api dari Kuala Lumpur ke Kota Bharu melalui Pantai Timur Semenanjung akan dimulakan.
69. PR-1322-L63191
Dr. Hajah Siti Mariah binti Mahmud [Kota Raja] minta **MENTERI KESIHATAN** menyatakan jumlah Doktor Pelatih di hospital-hospital KKM dan Universiti dan jumlah Doktor Pakar di hospital KKM dan Universiti yang terlibat didalam memberi latihan. Berapakah jumlah Doktor Pelatih yang tidak melengkapkan latihan mereka 5 tahun terakhir ini dan apakah faktor yang menjadi penyebabnya.
70. PR-1322-L61701
Tuan Mohamed Azmin bin Ali [Gombak] minta **MENTERI PENDIDIKAN** menyatakan apakah hasil kajian semula Sistem Pentaksiran Berasaskan Sekolah (PBS) dan apakah rasional 3 penambahbaikan yang dilakukan mulai 1 April 2014.
71. PR-1322-L63087
Dato' Seri Abdul Hadi bin Awang [Marang] minta **PERDANA MENTERI** menyatakan apakah ada satu perancangan oleh Kerajaan untuk melaksanakan kempen penerangan kepada rakyat Malaysia yang beragama Islam dan bukan Islam ke arah memberikan kefahaman sebenar tentang Hukum-hukum Jenayah Islam sebagaimana bersungguh-sungguhnya Kerajaan melakukan kempen penerangan mengenai GST.

72. PR-1322-L62722
Tuan Teo Kok Seong [Rasah] minta **MENTERI KOMUNIKASI DAN MULTIMEDIA** menyatakan secara terperinci jumlah kos pemberian notebook 1Malaysia yang akan diberi kepada 400,000 guru, serta jenama komputer dan pembekalnya.
73. PR-1322-L62015
Dato' Haji Mahfuz bin Omar [Pokok Sena] minta **PERDANA MENTERI** menyatakan kedudukan Akujanji Penjawat Awam dalam kontek perlembagaan
- (a) apakah ianya sah untuk diguna pakai dan diteruskan, jika ya; dan
 - (b) nyatakan justifikasi dan pautan perundangan yang berkaitan.
74. PR-1322-L61352
Datuk Ahmad Jazlan bin Yaakub [Machang] minta **MENTERI KESIHATAN** menyatakan :-
- (a) berapakah nisbah antara doktor dan jururawat di Malaysia dan juga nisbah antara jururawat dan pesakit di Malaysia. Adakah bilangan itu mencukupi dan bertepatan dengan cadangan daripada WHO; dan
 - (b) apakah program yang telah, sedang dan bakal dilakukan oleh Kementerian untuk meningkatkan mutu kualiti perkhidmatan jururawat terutama jururawat desa.
75. PR-1322-L62140
Tuan Sim Chee Keong [Bukit Mertajam] minta **PERDANA MENTERI** menyatakan langkah-langkah yang diambil untuk mengetatkan keselamatan dan melindungi pelancong-pelancong di perairan Semporna, Sabah.
76. PR-1322-L63256
Dato' Noraini binti Ahmad [Parit Sulong] minta **MENTERI PEMBANGUNAN WANITA, KELUARGA DAN MASYARAKAT** menyatakan bagaimanakah sesuatu keputusan diambil dalam penarikan pemberian bantuan di bawah *Exit Policy* JKM dan jumlah yang dijangkakan dapat diagihkan kepada golongan sasaran yang lain untuk setiap tahun.
77. PR-1322-L63261
Tuan Sim Tong Him [Kota Melaka] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) tentang syarat dan prosedur untuk penyerahan tapak tanah untuk tujuan menjadikan " Tanah Kawasan Lapang " oleh pemaju perumahan dan adakah tanah ini akan jadi tanah Kerajaan negeri; dan
 - (b) apakah jenis kegunaan boleh dijalankan diatas " Tanah Kawasan Lapang " ini dan bolehkah tanah ini ditukar milik kepada individu.

78. PR-1322-L61893
Tuan Chong Chieng Jen [Bandar Kuching] minta **MENTERI KERJA RAYA** menyatakan apa sebab projek pembinaan Jambatan Batang Samarahan ditangguhkan walaupun *Sarawak Building and Civil Engineering Contractors Association* telah mengesah dan juga menawarkan diri untuk menyiapkan projek tersebut dalam anggaran RM150 juta yang telah diluluskan oleh Kerajaan.
79. PR-1322-L62829
Dato' Seri Reezal Merican bin Naina Merican [Kepala Batas] minta **MENTERI BELIA DAN SUKAN** menyatakan laporan kejayaan Festival Belia Putrajaya 2014 daripada sudut kehadiran dan pelaksanaan program, bagaimanakah momentum tersebut boleh dikekalkan.
80. PR-1322-L62810
Tuan Wong Ling Bui [Sarikei] minta **MENTERI KESIHATAN** menyatakan berapakah jumlah klinik 1Malaysia di seluruh negeri Sarawak. Adakah semua Klinik 1Malaysia mempunyai kemudahan setaraf dengan poliklinik. Mengapakah tiada doktor yang berkecualan berkhidmat di Klinik 1Malaysia di Jakar, Sarikei.
81. PR-1322-L62157
Datuk Ir. Dr. Wee Ka Siong [Ayer Hitam] minta **MENTERI KESIHATAN** menyatakan jumlah pesakit yang dirawat di hospital dan klinik Kerajaan pada tahun 2013. Berapakah kos subsidi yang ditanggung oleh Kerajaan.
82. PR-1322-L63089
Puan Hajah Fuziah binti Salleh [Kuantan] minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah kos yang dibelanjakan dalam program Desa Bina Diri di bawah kelolaan Jabatan Kebajikan Masyarakat dan statistik yang menunjukkan keberkesanan program ini dalam mencapai objektifnya.
83. PR-1322-L62480
Puan Teo Nie Ching [Kulai] minta **MENTERI KEWANGAN** menyatakan bilangan penjawat awam, termasuk anggota dan pegawai baru yang akan ditambah untuk menghadapi pelaksanaan GST.
84. PR-1322-L61790
Datuk Sapawi bin Ahmad Wasali [Sipitang] minta **MENTERI KESIHATAN** menyatakan langkah diambil bagi meningkatkan nisbah jumlah doktor dengan pesakit di negara ini, kerana difahamkan ketika ini nisbah doktor dengan pesakit di Malaysia begitu tinggi berbanding negara-negara membangun yang lain.
85. PR-1322-L61618
Tuan Liang Teck Meng [Simpang Renggam] minta **MENTERI PELANCONGAN DAN KEBUDAYAAN** menyatakan apakah kriteria, garis panduan dan pelan tindakan yang telah ditetapkan oleh Kerajaan untuk pemeliharaan warisan atau tempat bersejarah sebelum ia dirobohkan oleh pemaju yang tidak bertanggungjawab di tengah-tengah malam.

86. PR-1322-L62964
Tan Sri Dr. Jamaluddin bin Mohd Jarjis [Rompin] minta **MENTERI PERTANIAN DAN INDUSTRI ASAS TANI** menyatakan tentang kemajuan yang dicapai dalam pembangunan Rancangan Jelapang Padi (IADA) di Rompin untuk dimajukan sebagai pemangkin kepada pertumbuhan ekonomi setempat khususnya di sektor makanan.
87. PR-1322-L61539
Datuk Raime bin Unggi [Tenom] minta **MENTERI PERTANIAN DAN INDUSTRI ASAS TANI** menyatakan nilai import makanan negara bagi tempoh lima tahun iaitu 2009 hingga 2013 dan enam bulan pertama 2014 serta nyatakan negara mana yang menjadi penyumbang import tertinggi bagi makanan utama.
88. PR-1322-L62413
Tan Sri Datuk Seri Panglima Joseph Pairin Kitingan [Keningau] minta **MENTERI KEWANGAN** menyatakan sama ada GST akan dikenakan cukai 4 peratus seperti dalam pembentangan Rang Undang-undang GST pertama atau 6 peratus seperti yang terbaharu dicadangkan untuk tahun 2015.
89. PR-1322-L63254
Dato' Noraini binti Ahmad [Parit Sulong] minta **MENTERI PENDIDIKAN** menyatakan perincian KPI yang diguna pakai oleh Kementerian untuk meningkatkan kemahiran penggunaan Bahasa Inggeris di kalangan guru dan pelajar seluruh negara.
90. PR-1322-L62653
Tuan Nga Kor Ming [Taiping] minta **MENTERI PELANCONGAN DAN KEBUDAYAAN** menyatakan secara terperinci berapakah jumlah kos untuk menganjurkan Majlis Rumah Terbuka Tahun Baru Cina di Taiping, sempena tahun melawat Malaysia 2014 dan pencapaian program sedemikian.
91. PR-1322-L62419
Dato' Othman bin Aziz [Jerlun] minta **MENTERI PENGANGKUTAN** menyatakan :-
- (a) bilakah pelaksanaan mewajibkan pemasangan tali pinggang keledar di semua bas ekspres akan dikuatkuasakan bagi meningkatkan taraf keselamatan penumpang bas ekspres yang terdedah kepada ancaman maut; dan
 - (b) adakah Kementerian bercadang untuk memberi bantuan secara *one-off* kepada pengusaha syarikat bas ekspres bagi menanggung kos pemasangan tali pinggang keledar terbabit.
92. PR-1322-L62300
Tuan Mohd Rafizi bin Ramli [Pandan] minta **MENTERI PENDIDIKAN** menyatakan gaji permulaan bagi seorang pensyarah berkeelayakan Doktor Falsafah (PhD) yang berkhidmat dengan institusi pengajian tinggi awam (IPTA). Bilakah kali terakhir kerajaan menyemak tangga gaji pensyarah-pensyarah ini dan apakah kerajaan merancang untuk menyemak tangga gaji tersebut dalam masa terdekat.

93. PR-1322-L61915
Dato' Dr. Mujahid Yusof Rawa [Parit Buntar] minta **MENTERI PENDIDIKAN** menyatakan berapa peratuskah pelajar yang berhenti sekolah tanpa meneruskan peringkat seterusnya dan sebab-sebab kenapa berlakunya keadaan sedemikian.
94. PR-1322-L62021
Puan Kasthuriraani a/p Patto [Batu Kawan] minta **MENTERI PENDIDIKAN** menyatakan sama ada wujud silabus bagi Pendidikan Khas bagi kanak-kanak autistik, *celebral palsy*, imperaktif, dan yang mengalami masalah pembelajaran. Jika ya, sila nyatakan. Jika tidak mengapa serta mengapa tiada peruntukan bagi perubatan bagi kanak-kanak OKU.
95. PR-1322-L63226
Datuk Rozman bin Isli [Labuan] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan adakah pihak Kementerian bercadang untuk mengambil langkah-langkah khusus bagi menyelesaikan permasalahan kekurangan (ketiadaan) tahap kritikal barangan keperluan asas seperti gula, beras nasional, tepung, minyak makan dan gas memasak di Wilayah Persekutuan Labuan sejak akhir-akhir ini. Sebagai sebuah pulau, pengguna di Labuan tidak mempunyai alternatif lain mendapatkan bekalan seperti tempat-tempat lain di tanah besar.
96. PR-1322-L62531
Datuk Chua Tee Yong [Labis] minta **MENTERI KEWANGAN** menyatakan jumlah hutang bagi setiap Kerajaan-kerajaan negeri dari tahun 2008 hingga 2013.
97. PR-1322-L63019
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan berapakah kos sebenar projek penambahbaikan prasarana pusat sukan pelayaran di Langkawi dan adakah dengan perkembangan terkini projek tersebut negara bersedia untuk menghadapi Kejohanan Pelayaran Belia Dunia (ISAF) pada akhir 2015 akan datang.
98. PR-1322-L62798
Tuan Loke Siew Fook [Seremban] minta **MENTERI PELANCONGAN DAN KEBUDAYAAN** menyatakan apakah perancangan Kementerian untuk membangun dan menaik taraf Pelabuhan Pulau Pinang sebagai sebuah "cruise terminal" yang bertaraf antarabangsa bagi menarik lebih banyak kapal pelancong berlabuh di pelabuhan tersebut seiring dengan hasrat Kerajaan untuk memajukan sektor "*cruise tourism*" dalam rancangan NKEA.
99. PR-1322-L62986
Tuan V. Sivakumar [Batu Gajah] minta **MENTERI KERJA RAYA** menyatakan bagaimana Tanggungjawab Sosial Korporat (CSR) dilaksanakan oleh syarikat konsesi tol dalam bentuk pemberian diskaun tol di musim-musim perayaan untuk pengguna lebuhraya. Berapakah diskaun tol musim perayaan yang diberikan secara terperinci mengikut perayaan dari tahun 2009-2013.

100. PR-1322-L62104
Dato' Hasbullah bin Osman [Gerik] minta **MENTERI PENDIDIKAN** menyatakan secara jelas dan terperinci perbezaan pelaksanaan penilaian berasas sekolah (PBS) diantara sekolah rendah (Tahun 1 hingga 6) dibandingkan dengan sekolah menengah rendah (Tingkatan 1 hingga 3). Apakah guru-guru yang mengajar di peringkat yang berkenaan benar-benar memahami pendekatan yang tersebut.
101. PR-1322-L61504
Datuk Wee Jeck Seng [Tanjong Piai] minta **MENTERI PENDIDIKAN** menyatakan adakah Kementerian akan berunding untuk menggugurkan tindakan senarai hitam oleh Jabatan Imigresen terhadap seseorang peminjam tegar atas dasar kemanusiaan sekiranya wujud keadaan kecemasan.
102. PR-1322-L61683
Datuk Nur Jazlan bin Mohamed [Pulai] minta **MENTERI KEWANGAN** menyatakan usaha yang akan dilakukan bagi memulihkan Sistem Penerbangan Malaysia (MAS) walaupun GLC ini, terus menanggung kerugian selepas pelbagai pelan pemulihan dilaksanakan.
103. PR-1322-L61957
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan berapakah jumlah graduan siswazah Perakaunan sejak tahun 2000 hingga 2013, mengikut kategori Bumiputera dan bukan Bumiputera.
104. PR-1322-L62568
Tuan Haji Zainudin bin Ismail [Jelebu] minta **MENTERI PERUSAHAAN PERLADANGAN DAN KOMODITI** menyatakan :-
- (a) adakah Kerajaan bercadang untuk mewujudkan dasar “harga lantai” bagi komoditi getah asli; dan
 - (b) apakah tindakan dan langkah yang telah diambil oleh Kerajaan untuk menangani isu kejatuhan harga getah asli ke paras yang rendah ketika ini dan apakah prospek masa depan getah asli negara.
105. PR-1322-L61613
Tuan Liang Teck Meng [Simpang Renggam] minta **MENTERI PENGANGKUTAN** menyatakan apakah langkah penguatkuasaan ke atas pemilik kenderaan yang menggunakan cermin gelap serta nombor pendaftaran kenderaan yang tidak mengikut spesifikasi yang telah ditetapkan.
106. PR-1322-L61590
Datuk Aaron Ago anak Dagang [Kanowit] minta **MENTERI DALAM NEGERI** menyatakan jumlah dan peratusan pendaftaran lewat kelahiran dan kad pengenalan bagi penduduk di Sarawak dalam 5 tahun yang lepas mengikut kaum etnik.

107. PR-1322-L61558
Dr. Che Rosli bin Che Mat [Hulu Langat] minta **MENTERI KESIHATAN** menyatakan :-
- (a) berapa ramaikah rakyat Malaysia yang dijangkiti dengan virus MERS-CoV dari Saudi Arabia sehingga akhir Mei 2014; dan
 - (b) apakah langkah-langkah yang diambil bagi mengelak penyakit ini terus merebak.
108. PR-1322-L62160
Datuk Ir. Dr. Wee Ka Siong [Ayer Hitam] minta **MENTERI PERTANIAN DAN INDUSTRI ASAS TANI** menyatakan jumlah pengusaha Projek Pertanian Moden Ayer Hitam yang masih belum beroperasi. Apakah langkah-langkah pemulihan yang diambil untuk memastikan kejayaan projek Pertanian Moden.
109. PR-1322-L61419
Dr. Lee Boon Chye [Gopeng] minta **MENTERI DALAM NEGERI** menyatakan bilangan pekerja asing terkini mengikut negara asal mereka.
110. PR-1322-L61869
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan berapakah jumlah pekerja berstatus kontrak di sektor awam pada masa ini. Melalui pemerhatian, terdapat segolongan pekerja kontrak ini tidak terjaga daripada segi gaji dan skop kerja yang tidak jelas. Apakah perancangan Kerajaan dalam memastikan kebajikan pekerja berstatus kontrak ini terjaga.
111. PR-1322-L62797
Tuan Loke Siew Fook [Seremban] minta **MENTERI SUMBER ASLI DAN ALAM SEKITAR** menyatakan apakah rancangan tebatan banjir dan bilakah projek menaik taraf anak sungai dapat dilaksanakan untuk mengatasi masalah banjir kilat yang sering berlaku di Kampung Baru Sikamat, Seremban.
112. PR-1322-L62655
Tuan Nga Kor Ming [Taiping] minta **MENTERI PELANCONGAN DAN KEBUDAYAAN** menyatakan secara terperinci jumlah bilangan pelancong luar negara yang datang melawat Malaysia mengikut Negara masing-masing dari 2010 hingga 2014 serta cara dan kos terlibat untuk mempromosikan industri perlancongan negara tahun ini.
113. PR-1322-L62770
Dr. Ong Kian Ming [Serdang] minta **MENTERI TENAGA, TEKNOLOGI HIJAU DAN AIR** menyatakan peratusan kuota FiT diperuntukkan bagi tahun 2011, 2012 dan 2013 yang telah dipasang dan apa tindakan yang sedang diambil terhadap syarikat-syarikat yang telah melepasi tarikh akhir kuota FiT masing-masing.

114. PR-1322-L61416
Ir. Shahrudin bin Ismail [Kangar] minta **MENTERI PERTANIAN DAN INDUSTRI ASAS TANI** menyatakan adakah Kementerian bercadang untuk mengaktifkan semula Projek Bumi Hijau bagi mengatasi masalah kenaikan harga barang keperluan yang semakin meruncing dan sekali gus memberi alternatif kepada pengguna bagi mengurangkan perbelanjaan harian.
115. PR-1322-L61491
Tuan Ngeh anak Gumbek [Mas Gading] minta **MENTERI DALAM NEGERI** menyatakan rasional di sebalik menetapkan tempoh menunggu selama 6 bulan kepada warga asing berstatus suami atau isteri rakyat tempatan yang ingin memohon Pas Lawatan Sosial Jangka Panjang serta sejauh manakah pelaksanaan peraturan ini sudah dimaklumkan kepada masyarakat umum.
116. PR-1322-L61415
Datuk Linda Tsen Thau Lin [Batu Sapi] minta **MENTERI KOMUNIKASI DAN MULTIMEDIA** menyatakan bagaimana Kementerian dapat meningkatkan perkhidmatan internet negara ini kerana mengikut data *Ookla* Net Index, purata kelajuan muat-turun jalur lebar negara ini hanya 5. Mbps berbanding dengan purata dunia 18.4 mbps dan menduduki tangga ke 126 daripada 192 negara/kawasan.
117. PR-1322-L61572
Datuk Juslie bin Ajirol [Libaran] minta **PERDANA MENTERI** menyatakan perlunya kuasa dan peranan yang dimainkan oleh Zon Selamat Timur Sabah (ESSZONE) dan pertahanan Kawasan Keselamatan Khas Pantai Timur Sabah (ESSCOM) serta adakah Kementerian akan menyediakan aset ketenteraan yang lebih canggih dalam mengawasi ESSZONE dan ESSCOM.
118. PR-1322-L61845
Datuk Ikmal Hisham bin Abdul Aziz [Tanah Merah] minta **MENTERI DALAM NEGERI** menyatakan setakat ini berapa ramai rakyat Malaysia yang telah pergi 'berjihad' di negara bergolak.
119. PR-1322-L62097
Puan Mas Ermeyati binti Samsudin [Masjid Tanah] minta **MENTERI TENAGA, TEKNOLOGI HIJAU DAN AIR** menyatakan sebab-sebab penangguhan pembentangan pelan strategik kecukupan tenaga di peringkat nasional untuk dipertimbangkan oleh kabinet sejak tahun 2011 untuk dilaksanakan memandangkan pelan tersebut dapat membantu menangani kesan-kesan kenaikan tarif elektrik akibat pengurangan subsidi tenaga.
120. PR-1322-L62369
Dato' Sri Liow Tiong Lai [Bentong] minta **MENTERI DALAM NEGERI** menyatakan tindakan yang diambil bagi membantu syarikat dan peniaga yang memerlukan pekerja asing beroperasi dan adakah kemasukan pekerja asing yang baru akan dibenarkan untuk semua sektor kritikal.

121. PR-1322-L63121
Dato' Ahmad Fauzi bin Zahari [Setiawangsa] minta **MENTERI BELIA DAN SUKAN** menyatakan langkah jangka panjang yang dirancang oleh pihak Kementerian bagi mengatasi masalah keganasan bola sepak yang melibatkan kekecohan sesama penyokong bola sepak dan juga sesama pemain dan jurulatih yang kerap kali berlaku kebelakangan ini.
122. PR-1322-L61828
Puan Nurul Izzah binti Anwar [Lembah Pantai] minta **MENTERI PENDIDIKAN** menyatakan :-
- (a) bilakah pembaikpulihan sistem bayaran balik PTPTN seperti sistem di United Kingdom akan dilaksanakan di mana peminjam hanya memulakan bayaran balik apabila berpendapatan sekurang-kurangnya gaji minima; dan
 - (b) bilakah kaedah bayaran balik PTPTN melalui potongan gaji (ICR) seperti New Zealand dan Australia akan dilaksanakan.
123. PR-1322-L62651
Tuan Nga Kor Ming [Taiping] minta **MENTERI KEWANGAN** menyatakan secara terperinci apakah jumlah tanggungan liabiliti 1MDB dan senaraikan pihak yang membuat pinjaman kepada 1 Malaysia Development Berhad(1MDB).
124. PR-1322-L62671
Tuan Chua Tian Chang @ Tian Chua [Batu] minta **MENTERI WILAYAH PERSEKUTUAN** menyatakan apakah rancangan Kementerian untuk menyelesaikan masalah pampasan dan sewa perumahan PPR bagi penduduk Kg. Railway. Bilakah penduduk ini akan mendapat surat tawaran untuk membeli perumahan kos rendah yang akan dibina oleh Sentul Raya Sdn. Bhd. pada harga RM42,000.00.
125. PR-1322-L62075
Dato' Fauzi bin Abdul Rahman [Indera Mahkota] minta **MENTERI KEWANGAN** menyatakan apakah dasar Kementerian berkenaan tawaran tender terpilih (*selected tender*) oleh kerana kaedah sedemikian terdedah kepada penyelewengan. Apakah Kementerian bersedia untuk menghentikan amalan tawaran terpilih (*selected tender*) ini.
126. PR-1322-L62549
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan jelaskan adakah pihak Kementerian telah menetapkan garis panduan bagi mewujudkan bazaar larut malam. Di Wangsa Maju terdapat dua bazaar larut malam, yang mana kawasanya dalam lebih kurang 3 kilometer.
127. PR-1322-L61620
Tuan Oscar Ling Chai Yew [Sibu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah rumah yang sedia ada di bawah program MyHome di seluruh Malaysia dan senaraikan mengikut negeri. Sila berikan bilangan rumah MyHome yang sedia ada di Kawasan Sibu juga.

128. PR-1322-L63052
Dr. Mohd Hatta bin Md. Ramli [Kuala Krai] minta **MENTERI PENDIDIKAN** menyatakan sebab mengapakah seramai 24.6 peratus daripada 174,464 graduan yang ditinjau di dalam *Graduate Tracer Study Executive Report 2010* masih gagal untuk mendapatkan pekerjaan selepas 6 bulan menamatkan pengajian di pusat pengajian tinggi dan apakah langkah yang dibuat untuk mengatasinya.
129. PR-1322-L62261
Tuan Gobind Singh Deo [Puchong] minta **PERDANA MENTERI** menyatakan sama ada Kerajaan akan menggubal undang-undang untuk mengharamkan wakil rakyat daripada keluar parti semasa berkhidmat (*anti-hopping laws*) dan sekiranya ada, bila.
130. PR-1322-L63003
Tuan Tan Kok Wai [Cheras] minta **MENTERI KESIHATAN** menyatakan kedudukan cukai dan tarif ke atas semua ubat dan peralatan perubatan perlu yang secara langsung diletakkan pada harga ubatan dan mengapakah Kerajaan tidak mengadakan indeks harga ubat bagi memantau harga secara berterusan.
131. PR-1322-L61770
Dato' Kamarul Baharin bin Abbas [Telok Kemang] minta **MENTERI KESIHATAN** menyatakan :-
- (a) kerangka '*framework*' Kementerian dalam menggunakan rawatan alternatif untuk meregulasi rawatan penyakit-penyakit sedia ada; dan
 - (b) setakat mana pengamal perubatan alternatif dilibatkan dalam perundingan untuk merangka '*framework*' tersebut.
132. PR-1322-L62343
Tuan Ignatius Dorell Leiking [Penampang] minta **MENTERI KESIHATAN** menyatakan mengapa Kerajaan tidak membina satu hospital besar di Penampang memandangkan satu-satunya poliklinik yang sedia ada di daerah Penampang kini dibebani dengan peningkatan populasi yang begitu tinggi dan yang memerlukan perkhidmatan kesihatan.
133. PR-1322-L62386
Dr. Azman bin Ismail [Kuala Kedah] minta **PERDANA MENTERI** menyatakan setakat manakah Raja-Raja Melayu dan Kerabat DiRaja dikecualikan daripada pendakwaan atau tindakan undang-undang, sama ada sivil atau jenayah.
134. PR-1322-L63144
Tuan Wong Chen [Kelana Jaya] minta **MENTERI KOMUNIKASI DAN MULTIMEDIA** menyatakan sama ada Kementerian telah menjalankan kajian sendiri atas kelajuan Internet di Malaysia dan jika ya bila kajian ini dilakukan, kalau tidak kenapakah Menteri meragui keputusan kajian OOKLA 2014 yang menunjukkan kelajuan Internet di Malaysia sangat tidak memuaskan.

135. PR-1322-L62629
Tuan Ng Wei Aik [Tanjong] minta **PERDANA MENTERI** menyatakan usaha-usaha yang akan diambil bersama dengan Kementerian Pelancongan untuk menangani masalah pengusaha-pengusaha pelancongan tempatan yang tidak dibenarkan untuk membawa pelancong-pelancong tempatan dengan kenderaan-kenderaan didaftarkan di Malaysia melalui sempadan Malaysia ke dalam Negeri Thai.
136. PR-1322-L62307
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan apakah tindakan Kerajaan terhadap Laporan Ketua Audit Negara untuk memastikan ketirisan dan kebocoran kewangan negara tidak terus berlaku dan dapat dimanfaatkan sepenuhnya kepada rakyat dan pembangunan negara.
137. PR-1322-L61916
Dato' Dr. Mujahid Yusof Rawa [Parit Buntar] minta **MENTERI TENAGA, TEKNOLOGI HIJAU DAN AIR** menyatakan maklumat dan perkembangan Dana Khas GTFS sehingga kini.
138. PR-1322-L62888
Dato' Seri Tiong King Sing [Bintulu] minta **MENTERI KEMAJUAN LUAR BANDAR DAN WILAYAH** menyatakan :-
- (a) adakah pihak Kementerian berhasrat untuk menambah atau menaikkan jumlah peruntukan untuk melaksanakan Projek Jalan Kampung/Jalan Perhubungan Desa untuk kawasan Parlimen Bintulu terutamanya kawasan Suai dan Niah yang jaraknya melebihi 5KM panjang; dan
 - (b) adakah pihak Kementerian membuat kajian terlebih dahulu sebelum meluluskan permohonan ini atau berdasarkan kepada faktor-faktor yang lain.
139. PR-1322-L62826
Dato' Seri Reezal Merican bin Naina Merican [Kepala Batas] minta **MENTERI LUAR NEGERI** menyatakan status pencapaian dan pelaksanaan *Malaysian Technical Cooperation Programme* (MTCP) pada ketika ini. Apakah ianya masih menjadi bidang tumpuan kepada Kementerian dan negara pada ketika ini.
140. PR-1322-L61930
Tuan R. Sivarasa [Subang] minta **MENTERI PERTAHANAN** menyatakan apakah pihak Tentera Udara di Gong Kedak atau pengkalan lain selepas menemui pesawat MH370 (atau satu pesawat yang tidak dikenali) masih terbang pada tinggi 30,000 kaki pada jam 2.40 pagi dekat Pulau Perak dalam radar mereka menghubungi Jabatan Penerangan Awam Malaysia (DCA) atau KLATCC, dan jika ada, pada jam berapa, dan apakah tindak balas daripada DCA atau KLATCC.

141. PR-1322-L62022
Tuan Mohamed Hanipa bin Maidin [Sepang] minta **MENTERI PENGANGKUTAN** menyatakan adakah Kerajaan bersedia mengarahkan MAS menghentikan penyediaan minuman arak kepada para penumpang bagi menghormati pramugara dan pramugari yang beragama Islam.
142. PR-1322-L62628
Tuan Manivanan a/l Gowindasamy [Kapar] minta **MENTERI KESIHATAN** menyatakan :-
- (a) apakah perkembangan dan status terkini (dari 1 Mac 2014 sehingga 15 Mei 2014) pembinaan hospital di Parlimen Kapar; dan
 - (b) apakah perkembangan dan status terkini mengenai proses penambahbaikan Klinik Kesihatan Kapar Baru yang akan menggantikan Klinik Kesihatan Lama di bawah RP3, RMK-10.
143. PR-1322-L62945
Tuan Haji Mohd Fasih bin Haji Mohd Fakeh [Sabak Bernam] minta **MENTERI LUAR NEGERI** menyatakan sejauh manakan manfaat dan apakah kesan positif pertemuan peserta inisiatif Pemimpin Muda Asia Tenggara (YSEALI) dengan Presiden Amerika Syarikat (AS) Barack Obama khususnya dalam membuka peluang pemimpin muda Malaysia dengan pemimpin muda dan komuniti Amerika Syarikat.
144. PR-1322-L61603
Puan Teresa Kok Suh Sim [Seputeh] minta **MENTERI PENGANGKUTAN** menyatakan apakah sebab Kementerian tidak menjalankan siasatan dan carian MH370 di “koridor utara” di utara Malaysia tetapi hanya menumpukan carian di Lautan Hindi. Apakah pasukan penyelamat MH370 akan mencari kapal terbang tersebut di koridor utara selepas gagal mendapat apa-apa maklumat di Lautan Hindi.
145. PR-1322-L62691
Tuan Julian Tan Kok Ping [Stampin] minta **MENTERI PENGANGKUTAN** menyatakan syarikat pemilikan kapal terbang yang digunakan oleh MAS serta jumlah ataupun bagaimana ianya dikenakan sewa. Senaraikan jumlah jenis kapal terbang sejak penukaran milik dari MAS serta jumlah sewa yang telah dibagi semenjak tarikh tersebut.
146. PR-1322-L61301
Puan Alice Lau Kiong Yieng [Lanang] minta **MENTERI PENGANGKUTAN** menyatakan :-
- (a) sebab-sebab syarikat penerbangan Malindo tidak lagi berfungsi di Sibu mulai bulan April 2014; dan
 - (b) bagaimanakah dengan penempahan tiket (*advance booking*) yang dibuat sebelum ini dan adakah Kementerian dapat memastikan rakyat menerima bayaran balik atau pampasan yang sepatutnya daripada syarikat penerbangan Malindo.

147. PR-1322-L62939
Dr. Michael Jeyakumar Devaraj [Sungai Siput] minta **PERDANA MENTERI** menyatakan sama ada bukti penyelesaian isu perkahwinan yang telah diwujudkan di bawah undang-undang sivil akan dijadikan salah satu syarat untuk seseorang yang ingin memeluk agama islam.
148. PR-1322-L61464
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan adakah Kementerian bercadang meneliti semula pencen Anggota Pasukan Khas Laut (PASKAL) Tentera Laut Di Raja Malaysia dikira berpandukan jumlah peratusan gaji pokok dicampur Elaun Khas di mana angka-angka ini akan memberi insentif sedikit kepada Warga PASKAL dan mereka tidak akan berhenti awal berdasarkan tawaran yang diterima dari firma-firma.
149. PR-1322-L61867
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KESIHATAN** menyatakan pada tahun 2011, sebanyak 2,268 kes kencing tikus, 55 kematian dilaporkan dan pada 2012 bilangan kes meningkat kepada 3,665 kes dan 48 kematian. Tahun ini, dilaporkan sebanyak 28 kes kematian berkaitan kencing tikus sehingga bulan Ogos 2013. Apakah langkah strategik yang telah diambil oleh Kementerian dalam membasmi dan meningkatkan kesedaran masyarakat berkaitan hal ini.
150. PR-1322-L61417
Dr. Lee Boon Chye [Gopeng] minta **PERDANA MENTERI** menyatakan kuantiti serta kos import gas asli setiap tahun mulai tahun 2009.
151. PR-1322-L61715
Tuan Er Teck Hwa [Bakri] minta **MENTERI DALAM NEGERI** menyatakan jumlah kamera litar tertutup (CCTV) yang telah dipasang mengikut kawasan IPD, jumlah kes jenayah sebelum dan selepas pemasangan CCTV dan sejauh mana CCTV membantu menyelesaikan kes ragut, pecah rumah, dadah dan lain-lain jenayah.
152. PR-1322-L62921
Tuan M. Kulasegaran [Ipoh Barat] minta **MENTERI PENDIDIKAN** menyatakan bilangan kes bunuh diri yang melibatkan pelajar di sekolah menengah dan institusi pengajian tinggi sejak tahun 2000 dan nyatakan langkah-langkah yang telah diambil oleh Kerajaan untuk menangani isu ini.
153. PR-1322-L61487
Datuk Joseph Salang anak Gandum [Julau] minta **MENTERI PENDIDIKAN** menyatakan pelan tindakan yang boleh mempengaruhi keluaran sekolah melihat kepada sektor pertanian adalah merupakan salah satu bidang kerjaya yang boleh menguntungkan.

154. PR-1322-L62970
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan apakah usaha-usaha penambahbaikan dalam operasi ESSCOM dalam menangani ancaman serangan pengganas di perairan negeri Sabah yang masih wujud terutamanya di tempat-tempat peranginan, resort dan sebagainya bagi menjamin keselamatan para pelancong serta menjamin kelancaran program Tahun Melawat Malaysia 2014 yang banyak melibatkan acara di negeri Sabah.
155. PR-1322-L62947
Tuan Haji Mohd Fasih bin Haji Mohd Fakeh [Sabak Bernam] minta **MENTERI LUAR NEGERI** menyatakan sejauh manakah kemampuan Malaysia untuk menduduki anggota bukan tetap Majlis Keselamatan Pertubuhan Bangsa-Bangsa Bersatu (PBB) dan seterusnya memainkan peranan utama dalam usaha damai menyatukan HAMAS dan Fatah melalui pembentukan Kerajaan Perpaduan Palestin yang kukuh.
156. PR-1322-L62692
Tuan Julian Tan Kok Ping [Stampin] minta **MENTERI KEWANGAN** menyatakan jumlah perlaburan *Employees Provident Fund* (EPF) dari 2004 sehingga sekarang serta syarikat yang telah dilaburkan. Minta prestasi profit/loss.
157. PR-1322-L62749
Datuk Jumat bin Idris [Sepanggar] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) adakah Kementerian mempunyai sebarang program bagi memantau kenaikan harga barang baik di kedai-kedai runcit di kawasan kampung mahupun di pasar raya di kawasan bandar; dan
 - (b) sejauh manakah keberkesanan Kedai Rakyat 1Malaysia (KR1M) dapat mengatasi masalah kenaikan harga barang khususnya di Sabah dan bagaimanakah kualiti produk barang-barangnya.
158. PR-1322-L62450
Tuan Jeff Ooi Chuan Aun [Jelutong] minta **MENTERI PENGANGKUTAN** menyatakan sama ada AirAsia telah melanggar undang-undang setelah ia mula mengenakan "*KLIA2 Fee*" sebanyak RM3 ke atas setiap penumpang secara tanpa kebenaran daripada MAHB dan Kerajaan.
159. PR-1322-L61868
Tuan Haji Khalid bin Abdul Samad [Shah Alam] minta **MENTERI TENAGA, TEKNOLOGI HIJAU DAN AIR** menyatakan kewajaran menaikkan tarif bekalan elektrik pada masa ini.

160. PR-1322-L62506
Dato' Shamsul Anuar bin Haji Nasarah [Lenggong] minta **MENTERI DALAM NEGERI** menyatakan :-
- (a) jumlah terkini penjenayah negara asing yang ditahan di negara ini; dan
 - (b) kesan pelaksanaan POCA dan ancaman militan di negara ini.
161. PR-1322-L62341
Datuk Mohd Idris bin Jusi [Batu Pahat] minta **MENTERI PENDIDIKAN** menyatakan apakah yang dimaksudkan dengan berfikir aras tinggi dan bagaimana ianya dapat menangani masalah pelajar yang terlibat dengan salah-laku disiplin di masa bersekolah dan setelah tamat persekolahan.
162. PR-1322-L63064
Tuan Zairil Khir Johari [Bukit Bendera] minta **MENTERI PENDIDIKAN** menyatakan jumlah peruntukan kepada Unit PADU dan PADU Corporation bagi tahun 2014 serta perincian peruntukan tersebut.
163. PR-1322-L62332
Tuan Haji Ahmad Lai bin Bujang [Sibuti] minta **MENTERI KESIHATAN** menyatakan :-
- (a) berapakah jumlah kit rawatan "*Continuous Ambulatory Peritoneal Dialysis*" (CAPD) diagihkan seluruh Malaysia mengikut pecahan setiap negeri kepada pesakit buah pinggang kritikal yang telah dijanjikan sebanyak 1000 unit CAPD oleh YAB. Perdana Menteri pada Bajet 2013; dan
 - (b) apakah Kementerian akan meneruskan program ini pada tahun 2015.
164. PR-1322-L62900
Datuk Haji Shabudin bin Yahaya [Tasek Gelugor] minta **PERDANA MENTERI** menyatakan situasi kedudukan pelarian Rohingya (UNHCR) di Bagan Ajam, Butterworth yang banyak terlibat dengan gejala sosial dan apakah perancangan Kerajaan bagi menjamin kesejahteraan mereka.
165. PR-1322-L63278
Dato' Henry Sum Agong [Lawas] minta **MENTERI KESIHATAN** menyatakan bilakah pelaksanaan fasa ke-2 projek Hospital Daerah Lawas bermula.
166. PR-1322-L63284
Puan Hajah Zuraida binti Kamaruddin [Ampang] minta **MENTERI PENGANGKUTAN** menyatakan bagaimanakah Kementerian menangani masalah kepadatan pengguna dan penumpang di KLIA 2 yang ketara selepas pemindahan operasi penerbangan AirAsia ke KLIA 2 serta caj tambahan RM3 oleh AirAsia ke atas penumpangnya.

ATURAN URUSAN MESYUARAT DAN USUL-USUL

1. (D.R. 24/2013) Rang Undang-undang Pencegahan Pengubahan Wang Haram dan Pencegahan Pembiayaan Keganasan (Pindaan) 2013 **Bacaan Kali Yang Kedua**

[Menteri Kewangan]

2. (D.R 8/2014) Rang Undang-undang Suruhanjaya Koperasi Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]

3. **Menteri Kewangan** akan mencadangkan:

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 11 AKta Kastam 1967 supaya Perintah Duti Kastam yang dibentangkan di hadapan Majlis ini sebagai kertas statut bil. ST.45 dan ST.46 tahun 2014 disahkan”.

4. PR-1322-U61375

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, banyak tanah-tanah adat Bumiputera Sabah masih belum dibangunkan oleh kerana ketiadaan jalan raya yang membolehkan mereka untuk mengusahakan serta memasarkan hasil tanah mereka. Dan mengambil maklum juga, bahawa tanah-tanah bergeran di negeri Sabah yang masih belum diusahakan oleh kerana ketiadaan kemudahan yang disebutkan di atas. Dan mengambil maklum juga bahawa, sesuai dengan hasrat Kerajaan untuk meningkatkan lagi pendapatan masyarakat luar bandar, sekiranya tanah tersebut di atas dapat diterokai dan diusahakan, tentu sekali ekonomi masyarakat sasaran dapat ditingkatkan.

Dan juga mengambil maklum bahawa, dengan terusahanya tanah-tanah yang dimaksudkan di atas, maka secara tidak langsung ekonomi negara juga turut meningkat. Maka, bagi menangani masalah tanah-tanah terbiar, maka Dewan ini hendaklah mengambil ketetapan untuk meminta Kerajaan melalui Kementerian Pembangunan Luar Bandar dan Wilayah, untuk menyediakan jalan asas bagi memudahkan pembukaan tanah-tanah terbiar tersebut bagi memudahkan pertumbuhan aktiviti ekonomi rakyat dan negara."

[Kementerian Kemajuan Luar Bandar dan Wilayah]

5. PR-1322-U61376

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ramai para petani kita mengeluarkan bahan-bahan mentah berasaskan pertanian yang berkualiti tinggi.

Dan mengambil maklum juga, bahan-bahan mentah yang dihasilkan ini boleh dinilai-tambah menjadi produk industri hiliran seperti keropok, jem, kaya, kek, madu lebah dan lain-lain lagi sekiranya pengeluar tempatan menerima latihan dan bimbingan bagi maksud ini. Dan mengambil maklum juga bahawa, Kementerian Pertanian dan Industri Asas Tani melalui agensinya telah banyak membimbing para pengeluar bahan mentah tempatan ke arah industri hiliran ini. Maka, bagi menambah-nilai produk pertanian dan peningkatan ekonomi para petani, dewan ini hendaklah mengambil ketetapan bahawa Kerajaan melalui Kementerian Pertanian dan Industri Asas Tani hendaklah memperbanyakkan lagi kursus-kursus industri hiliran ini."

[Kementerian Pertanian dan Industri Asas Tani]

6. PR-1322-U61377

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, pada masa ini, kejadian jenayah telah meningkat dengan mendadak sekali dan ada juga kes yang melibatkan maut. Dan mengambil maklum juga bahawa, tugas untuk menjaga keselamatan dan ketenteraman awam ini bukan hanya terletak pada bahu anggota keselamatan tetapi juga pada pihak berkuasa tempatan. Dan mengambil maklum juga bahawa, terdapat bukti bahawa pemasangan kamera litar (cctv) di kawasan panas oleh Pihak Berkuasa Tempatan telah sebanyak sedikit membantu mengurangkan jenayah selain dapat membantu dalam penyiasatan perlakuan jenayah. Dan mengambil maklum juga bahawa, pemasangan cctv merupakan kaedah pencegahan yang efektif selain rondaan pihak anggota keselamatan. Maka, Dewan ini hendaklah mengambil ketetapan untuk meminta Kerajaan memasang lebih banyak lagi kamera litar terutama sekali di kawasan panas demi untuk mempertingkatkan lagi keselamatan rakyat dan pengunjug."

[Kementerian Kesejahteraan Bandar Perumahan dan Kerajaan Tempatan]

7. PR-1322-U61378

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, jumlah ibu tunggal di negara ini kian meningkat dan memerlukan pembelaan. Dan mengambil maklum juga bahawa, ibu-ibu tunggal bekerja keras untuk menyara hidup keluarga termasuk mensekolahkan anak-anak dan ada kalanya juga menjaga ibu-bapa mereka. Dan mengambil maklum juga bahawa, terdapat juga ibu-ibu tunggal yang terpaksa bekerja dengan tulang empat kerat dengan gaji yang tak seberapa kerana ketiadaan pengalaman. Dan mengambil maklum juga bahawa, ada juga ibu-ibu tunggal yang tidak mendapat apa-apa bentuk bantuan daripada pihak Kerajaan atau berwajib kerana tidak terdaftar dengan badan-badan tertentu.

Maka, Dewan ini hendaklah mengambil ketetapan untuk meminta Kerajaan melalui Kementerian Pembangunan Wanita, Keluarga dan Masyarakat untuk mendaftarkan semua ibu-ibu tunggal bagi memudahkan urusan latihan, pemberian bantuan, bimbingan, kebajikan dan usaha peningkatan ekonomi keluarga."

[Kementerian Pembangunan Wanita, Keluarga dan Masyarakat]

8. PR-1322-U61379

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, rakyat pada keseluruhannya berbesar hati dan mengalu-alukan usaha Kerajaan dalam menangani masalah keselamatan dan ketenteraman negara di perairan negeri Sabah dengan menubuhkan agensi penguatkuasaan seperti ESSCOM - Eastern Sabah Security Command dan ESSZONE - Eastern Sabah Security Zone. Dan mengambil maklum juga, bahawa walaupun kedua-dua agensi ini telah pun beroperasi, namun pada tahun 2014 sahaja, terdapat 3 kes samun, bunuh serta culik yang membabitkan rakyat asing dan 1 kes cubaan menculik nelayan tempatan berlaku dalam kawasan ESSCOM dan ESSZONE ini. Dan mengambil maklum juga bahawa, setiap kali keadaan begini berlaku, maka ramai atau rakyat pada umumnya mula mempersoalkan tentang kesungguhan Kerajaan untuk melindungi perairan negara terutama sekali perairan negeri Sabah.

Dan mengambil maklum juga bahawa, pengarah ESSCOM dan ESSZONE adalah dari kalangan yang bukan berlatarbelakangkan pihak keselamatan, maka masyarakat dengan mudah menuding jari bahawa, kelemahan ini berlaku kerana ketidakwibawaan si penyandang tugas dan sepatutnya jawatan penting ini dipegang oleh mereka yang berlatarbelakangkan keselamatan. Maka, bagi menangani masalah isu keselamatan negara ini, Dewan ini hendaklah mengambil ketetapan bahawa jawatan pengarah ESSCOM dan ESSZONE hendaklah diterajui oleh mereka yang berlatarbelakangkan keselamatan dan dalam perkara ini, mereka yang datang daripada Angkatan Tentera Malaysia. "

[Perdana Menteri]

9. PR-1322-U62869

Dr. Tan Seng Giaw [Kepong] akan mencadangkan:-

"Bahawa Dewan ini memperbahaskan kehilangan ghaib pesawat MH370, impak dan konsekuensinya."

[Kementerian Pengangkutan]

10. PR-1322-U61647

Tuan Fong Kui Lun [Bukit Bintang] akan mencadangkan:-

"Bahawa Dewan yang mulia memandang berat betapa lemahnya tahap keselamatan udara Negara berikutan kejadian insiden kehilangan pesawat MH370 yang mana pusat kawalan udara Negara gagal mengesan dan bertindak balas dengan segera dan ini meletakkan Negara dalam bahaya jika berlaku serangan mengejut serta mendesak Kerajaan mengambil langkah segera mempertingkatkan kawalan dan pengesanan udara Negara dari pencerobohan."

[Kementerian Pengangkutan]

11. PR-1322-U61919

Tuan Chong Chieng Jen [Bandar Kuching] akan mencadangkan:-

"Manakala dalam persidangan Hari Kedua Mesyuarat Pertama bagi Penggal Keempat Dewan Undangan Negeri Sarawak Ketujuh Belas pada 6 haribulan Mei, 2014, sebuah keputusan sebulat suara telah dibuat untuk menyokong usul seperti berikut :

"Bahawa Dewan yang mulia ini menyokong usaha berterusan Kerajaan Negeri Barisan Nasional, melalui saluran yang bersesuaian, memohon supaya perjanjian tiga hala (perjanjian yang ditandatangani antara Kerajaan Persekutuan, Kerajaan Negeri dan PETRONAS menurut Seksyen 4 Akta Petroleum 1974) dikaji semula, dengan niat hendak mendapatkan pertimbangan Kerajaan Persekutuan untuk meningkatkan bayaran royalti (royalti 5% daripada nilai minyak dan gas untuk negeri Sarawak) kepada 20% atau jika dianggap bermanfaat dan munasabah, sebarang persetujuan lain yang boleh memberi manfaat kepada negeri Sarawak dengan tujuan untuk memacu program pembangunan terutamanya di kawasan pedalaman. Dan manakala royalti minyak dan gas yang diterima sebanyak 5% oleh negeri Sarawak sebagai pampasan gentian hak ke atas minyak dan gas adalah tidak mencukupi, rendah dan tidak adil memandangkan minyak dan gas adalah sumber asli Sarawak dan kami memerlukan dana minyak dan gas itu untuk mengeluarkan Sarawak daripada kemunduran dan mempertingkatkan pembangunan ekonomi dan infrastruktur di Sarawak yang ketinggalan 20 tahun berbanding Semenanjung Malaysia supaya setanding dengan Semenanjung. Justeru Dewan ini memutuskan bahawa Kerajaan Persekutuan bersetuju dengan permintaan Dewan Undangan Negeri Sarawak dan Kerajaan Negeri Sarawak untuk meningkatkan kadar royalti minyak dan gas yang patut dibayar kepada Sarawak sebagai pampasan gantian hak ke atas minyak dan gas daripada kadar semasa 5% kepada 20% daripada nilai kasar minyak dan gas yang diekstrak daripada perairan Sarawak."

Dan Kerajaan Persekutuan haruslah, dalam tahun ini menyediakan kesemua dokumentasi undang-undang untuk penambahan hak royalti tersebut daripada 5% ke 20%."

[Perdana Menteri]

12. PR-1322-U63022

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini bersetuju bahawa akses harus diberikan kepada semua yang terlibat dalam pilihan raya dan kebebasan berpartisipasi sebagai sebahagian daripada proses demokrasi. Pilihan raya sendiri adalah lambang demokrasi dalam negara kita, amalan menyekat maklumat berkaitan pilihan raya daripada pengetahuan rakyat terutama pengundi sama sekali bercanggah dengan semangat demokrasi."

[Perdana Menteri]

13. PR-1322-U63024

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini menubuhkan sebuah Suruhanjaya Persempadanan Pilihan Raya yang bebas daripada SPR dan hanya bertanggungjawab untuk menjawab kepada Parlimen Malaysia."

[Perdana Menteri]

14. PR-1322-U62663

Tuan Manivanan a/l Gowindasamy [Kapar] akan mencadangkan:-

"Bahawa Dewan mempertimbangkan cadangan untuk membenarkan keluarga mangsa yang mati dalam tahanan Polis Diraja Malaysia, memperoleh Pakar Perubatan Forensik sendiri bagi menjalankan bedah siasat."

[Kementerian Dalam Negeri]

15. PR-1322-U62664

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam di dalam membendung gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.45	Akta Duti Timbal Balas dan Anti-Lambakan 1993 Dan Akta Kastam 1967 Perintah Kastam (Duti Anti-Lambakan) (Pelanjudan Tempoh) 2014 P.U.(A) 75 yang diwartakan pada 18 Mac 2014	18 Jun 2014
ST. 46	Akta Duti Timbal Balas dan Anti-Lambakan 1993 Dan Akta Kastam 1967 Perintah Kastam (Duti Anti-Lambakan) 2014 P.U.(A) 81 yang diwartakan pada 27 Mac 2014	18 Jun 2014
ST. 47	Akta Audit 1957 Perintah Audit (Pindaan Jadual Pertama) 2014 P.U.(A) 95 yang diwartakan pada 08 April 2014	18 Jun 2014
ST.51	AKTA JALAN PERSEKUTUAN 1959 Perintah Jalan Persekutuan (Lebuh Raya Sungai Besi) 2014 P.U.(A) 101 yang diwartakan pada 14 April 2014	18 Jun 2014
ST.52	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No.5) 2014 P.U.(A) 105 yang diwartakan pada 14 April 2014	18 Jun 2014
ST. 53	Akta Jalan Persekutuan 1959 Perintah Jalan Persekutuan (Lebuh Raya Shah Alam) 2014 P.U.(A) 113 yang diwartakan pada 23 April 2014	18 Jun 2014
ST. 54	Akta Jalan Persekutuan 1959 Perintah Jalan Persekutuan (Malaysia Barat) (Pindaan) (No. 6) 2014 P.U.(A) 130 yang diwartakan pada 20 Mei 2014	18 Jun 2014
ST. 59	Akta Duti Timbal Balas Dan Anti-Lambakan 1993 Dan Akta Kastam 1967 Perintah Kastam (Duti Anti-Lambakan) (Kajian Semula Dipercepat) 2014 P.U.(A) 155 yang diwartakan pada 05 Jun 2014	18 Jun 2014

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 18.6.2014 (Rabu)	1. YB. Tuan M. Kula Segaran (Ipoh Barat)	1. Pelarian Memerlukan Perlindungan Dan Bukanlah Pengusiran	1. YAB Perdana Menteri
2. 18.6.2014 (Rabu)	2. YB. Tuan Hee Loy Sian (P.J Selatan)	2. Penduduk Petaling Jaya Bantah Cadangan Pembinaan Lebuhraya KIDEX	2. YB Menteri Kerja Raya